



ՀԱՍՏԱՏՈՒՄ ԵՄ՝  
Շրջակա միջավայրի նախարար

Համբարձում Մաթևոսյան

«01» 04 2026թ.

## ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 039 - 26

Նախաձեռնող՝

«ՄԵԾ ՍԱՐ» ՍՊԸ

Լոռու մարզ, Գուգարք բնակավայր 1-ին փ., 3-րդ շենք, 27-րդ բն.

Գործունեությունը՝

Ոչ մեկադական օգտակար հանածոյի արդյունահանման  
նպատակով երկրաբանական ուսումնասիրություն

Լոռու մարզ, Վանաձոր համայնք, Գուգարք բնակավայր

Առդիր՝ 7 թերթ

**ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ**  
**ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ**

ԲՓ № 039 - 26

« 01 » ապրիլի 2026թ.

**Լոռու մարզի Մեծ Սարի գրանողիորիտների հանքավայրի «Հյուսիսային» տեղամասում  
օգտակար հանածոյի արդյունահանման նպատակով երկրաբանական ուսումնասիրության  
շրջակա միջավայրի վրա ազդեցության գնահատման հաշվետվություն**

Նախաձեռնող՝

«ՄԵԾ ՍԱՐ» ՍՊԸ

Ներկայացված նյութեր՝

Շրջակա միջավայրի վրա ազդեցության  
գնահատման հաշվետվություն  
/«Բ» կատեգորիա/

Գտնվելու վայրը՝

Լոռու մարզ, Վանաձոր համայնք

**Ներածական մաս.** «ՄԵԾ ՍԱՐ» ՍՊԸ ընկերությունը նախաձեռնել է սեփական ֆինանսական միջոցների հաշվին կատարելու երկրաբանական ուսումնասիրության աշխատանքներ Լոռու մարզի Մեծ սարի գրանողիորիտների հանքավայրի Հյուսիսային տեղամասի 7.58 հա տարածքում, նպատակ ունենալով որոշել օգտակար հանածոյի հզորությունը, պարզաբանելու գրանողիորիտների հաստվածքի պարամետրերը և որակական հատկանիշները՝ դրանց պիտանելիությունը որպես երեսապատման և շինարարական քար:

Նախատեսվող գործունեությունը, համաձայն «Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 4-րդ մասի 2)-րդ կետի «ա» ենթակետի, դասակարգվում է «Բ» կատեգորիայի գործունեության տեսակների ցանկին:

**Նկարագրական մաս.** Մեծ Սարի գրանողիորիտների հանքավայրի Հյուսիսային տեղամասը գտնվում է Հայաստանի Հանրապետության հյուսիսային մասում՝ Լոռու մարզի Գուգարք գյուղի վարչական տարածքում, գյուղից մոտ 5.7 կմ դեպի հյուսիս-արևելք, իսկ Փամբակ գյուղից մոտ 5.8 կմ դեպի արևելք: Հանքաերևակման տեղամասը ամենամոտ՝ Գուգարք բնակավայրի հետ կապված է գրունտային ճանապարհով, իսկ Վանաձոր քաղաքի, Փամբակ, Շահումյան գյուղերի հետ կապված է բարենպաստ գրունտային և ասֆալտապատ ճանապարհներով: Տեղամասը Դիլիջան-Վանաձոր մայրուղուց գտնվում է 5.3 կմ հեռավորության վրա: Ուսումնասիրության համար հացվող տարածքից 0.5-0,6 կմ հեռավորության վրա ձգվում են անտառաշերտ տարածքներ:

Մեծ սարի գրանողիորիտների հանքավայրի Հյուսիսային տեղամասում երկրաբանահետախուզական աշխատանքները նախատեսվում է իրականացնել հորատանցքերի, մաքրվածքների և բացահանքի միջոցով՝ նմուշարկման զուգորդությամբ:

Երկրաբանական աշխատանքներն կատարման հիմնական մեթոդներն են՝ ուսումնասիրության աշխատանքներն իրականացնել հորատանցքերի (նկատի ունենալով հանքավայրի հետագա շահագործման ոչ ավել քան 3 հանքաստիճանով (15 մ բարձրությամբ) խորացման պայմանը), մաքրվածքների, փորձնական բացահանքի և նմուշարկման միջոցով տեղամասում կատարել 1:2000 մասշտաբի տոպոգրաֆիկ, որի հիման վրա կկազմվի 1:2000 մասշտաբի երկրաբանական քարտեզ, պաշարների հաշվարկման եզրագծով, կատարել գրանողիորիտների ֆիզիկամեխանիկական հատկանիշների, քիմիական կազմի, լաբորատոր փորձարկումների և պետրոգրաֆիկական ուսումնասիրություններ իրականացնել հիդրո-

ինժեներաերկրաբանական և ռադիոմետրիական ուսումնասիրություններ, կատարել գրանոդիորիտների հաշվեկշռային պաշարների հաշվում: Նախատեսվում է կատարել փորձնական արդյունահանում գրանոդիորիտներից՝ երեսապատման բլոկների և սալերի ելքի տոկոսը պարզելու համար: Հանքերևակման գրանոդիորիտների որակական հատկանիշները պարզաբանելու համար նախատեսվում է հորատանցքերից, փորձնական բացահանքից, մաքրվածքներից կատարել նմուշարկում, իսկ խիստ հողմահարված, ճեղքավորված գրանոդիորիտները որպես խճի հումք պարզելու համար նախատեսվում է համախառն նմուշի վերցնում: Վերցված նմուշները «Անալիտիկ» ՓԲ ընկերության լաբորատորիայում կենթարկվեն քիմիական և ֆիզիկամեխանիկական (լրիվ ցիկլով) փորձարկումների: Քիմիական անալիզի համար նախատեսվում է 3 նմուշ: Նախատեսվում է կատարել նաև պետրոգրաֆիական հետազոտություններ, որի համար պետք է պատրաստվի 3 շիֆ: Պետրոգրաֆիական ուսումնասիրությունները կկատարվի ՀՀ ԳԱ երկրաբանական ինստիտուտում: Բացի վերը նշված աշխատանքներից, տեղամասի ինժեներաերկրաբանական և հիդրոերկրաբանական պայմանների պարզաբանման նպատակով նախատեսվում են կատարել համապատասխան դիտարկումներ, իսկ ճառագայթահիգիենիկ իրավիճակը պարզաբանելու համար՝ ռադիոակտիվ դիտարկումներ: Երևակման տեղամասի 1:1000 մասշտաբի երկրաբանական քարտեզների կազմման նպատակով նախատեսվում է կատարել տոպոգրաֆիական և երկրաբանական հանույթ 7.58 հա տարածքի վրա՝ հետախուզական փորվածքների և նմուշարկման տեղերի, ապարների երկրաբանական սահմանների գործիքային տեղադրմամբ: Տեղամասի երկրաբանահետախուզական աշխատանքների իրականացման համար նախատեսվում է հորատել 7 հորատանցք՝ 300 մ ընդհանուր խորությամբ, չորս հետախուզական գծերի վրա: Հորատանցքերի խորությունն ընդունվում է 30-50 մ: Հորատումը կատարվելու է ՈՒԿԲ-200 հորատող հաստոցով, կարծր համաձուլվածքային թագիկներով, 132 մմ սկզբնական տրամագծով և 76 մմ վերջնական տրամագծով: Օգտակար հանածոյի հորատահանուկի ելքը պետք է կազմի 85%: Նախատեսվում է կատարել փորձնական արդյունահանում՝ գրանոդիորիտների զանգվածից բլոկների ելքի տոկոսը որոշելու համար: Այդ նպատակով նախատեսվում է անցնել փորձնական բացահանք, որի ճակատի երկարությունը կլինի 15.0 մ, ընդհանուր ծավալը կկազմի 400 խմ, որից՝ 300 խմ ծավալը՝ թարմ գրանոդիորիտներում: Փորձնական բացահանքի տարածքից 100 խմ փուշտա շերտի առաջացումները, որոնք ներկայացնում են հողմահարված, խիստ ճեղքավորված գրանոդիորիտների փուշտա շերտ, փորձնական բացահանքի հանույթից հետո օգտագործվելու են փոսերի հետլցման կամ լեռնատեխնիկական վերականգնման նպատակով: Ծրագրով նախատեսվում է անցնել նաև 3 մաքրվածքներ, յուրաքանչյուրը 10 մ երկարությամբ, 2 մ խորությամբ և 1.5 մ լայնությամբ: Մաքրվածքների ընդհանուր ծավալը կկազմի՝ 90 խմ: Փորձնական բացահանքի և մաքրվածքների անցումը կկատարվի առանց պայթեցման աշխատանքների, 4 – րդ կարգի ապարներում: Նախատեսվում է 7 հորատման հրապարակների և դրանց մոտեցման ճանապարհների կառուցում, ինչպես նաև հանքերևակման տարածքին մոտեցող ճանապարհների նորոգում մեխանիկական եղանակով՝ 4-րդ կարգի ապարներում: Այդ աշխատանքների ծավալները ներկայացնում են՝ հորատման հրապարակների կառուցում, նախատեսվում է կառուցել 7 հորատման հրապարակ, յուրաքանչյուրը 43 քմ մակերեսով, ընդհանուր 7 հրապարակների համար մակերեսը կկազմի՝  $7 \times 43 = 301$  քմ: Նշված մակերեսում 0.46 մ միջին հզորության հողի շերտի տեղափոխման պայմաններում ծավալը կկազմի 90.3 խմ: Նախատեսվում է կառուցել հորատման հրապարակներին մոտեցող ճանապարհներ մոտ 500 մ երկարությամբ: Ծանապարհները կկառուցվեն 2.5 մ լայնությամբ և 0.7 մ խորությամբ: Աշխատանքների ծավալը կկազմի՝  $500 \text{ մ} \times 2.5 \text{ մ} \times 0.7 \text{ մ} = 875$  խմ: Ծանապարհների նորոգում՝ ոչ բարենպաստ են ճանապարհի որոշ հատվածներ, որոնց համար նախատեսվում է կատարել վերանորոգման աշխատանքներ՝ 1.0 կմ երկարությամբ հատվածում: Հաշվարկներով այն հանգամանքը, որ դեպի ուսումնասիրվող տեղամաս տանող հանդիմանության ճանապարհների





Համաձայն հաշվետվության տեղեկատվության՝ ուսումնասիրվող և հարակից տարածքներում ՀՀ բույսերի և կենդանիների Կարմիր գրքերում գրանցված տեսակներ չեն հայտնաբերվել, բացակայում են հազվագյուտ էկոհամակարգերը: Ուսումնասիրության տարածքի մոտակայքում չկան բնության հատուկ պահպանվող տարածքներ, պատմության և մշակույթի անշարժ հուշարձաններ, տարածքն անմիջական սահմաններ չունի ԲՀՊՏ-ների հետ:

Երևակման տարածքում ծրագրավորվող երկրաբանահետախուզական աշխատանքները կարճատև են և փոքրածավալ: Աշխատանքների իրականացման ժամանակ շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները՝ նավթամթերքների պահեստավորում և պահում անթափանց տարաներում, հատուկ վայրերում (աշխատանքները սպասարկող մեքենաների բեռնախցիկներում)՝ արտահոսքը կանխելու համար, օտագործված յուղերի ու քսայուղերի հավաքում առանձին տարաների մեջ, տեխնիկայի և ավտոտրանսպորտի լիցքավորումը, յուղերի փոխարինումը, մեքենաների տեխնիկական սպասարկումը կատարել մոտակա սպասարկման կետերում կամ կայաններում, ինչը կբացառի երևակման տարածքի աղտոտումը նավթամթերքներով, կենցաղային աղբի հավաքում հատուկ պարկերի մեջ և հետագա տեղափոխվում մոտակա աղբահավաք կետեր՝ կնքելով աղբահանության նպատակով համապատասխան ծառայությունների հետ պայմանագիր և կատարել համապատասխան վճարումներ, արտանետվող վնասակար նյութերի քանակը նվազեցնելու նպատակով սարքավորումների վրա արտանետվող նյութերի չեզոքացուցիչների՝ կատալիտիկ ֆիլտրերի տեղադրում, փոշենստեցման նպատակով ջրցանի իրականացում՝ տեղամասին մոտեցնող ճանապարհի երկայնքով, մաքրվածքների և փորձնական բացահանքի անցման տարածքներում: Փոշեգոյացումը նվազեցնելու/կրճատելու համար անհրաժեշտ ջուրը նախատեսվում է վերցնել «ՎԵՈԼԻԱ ԶՈՒՐ» ՓԲԸ-ից պայմանագրային հիմունքներով: Զրցանման համար անհրաժեշտ ջուրը կբերվի ջրցան մեքենայով: Փոշու առաջացումը կանխելու նպատակով օդի դրական ջերմաստիճանի դեպքում հորատման և փորձնական բացահանքի անցման ժամանակ օրվա ընթացքում պարբերաբար ջրցանի իրականացում՝ բացառելով արտահոսքերի տարածումը գործունեության տարածքի սահմաններից դուրս, աշխատանքների իրականացման ընթացքում շահագործվող ճանապարհի հարակից տարածքում և երևակման տարածքում /հորատահրապարակներում և փորձնական բացահանքի տարածքում/ մթնոլորտային օդում փոշու և ծխագազերի մոնիթորինգ, յուրաքանչյուր շաբաթը մեկ անգամ՝ 24-ժամ տևողությամբ, կեղտաջրերի հավաքում հորատի պզուզարանում, կամ կենսաբանական մաքրման լոկալ կայանում, որոնց մաքրումը կամ դատարկումը իրականացնել հատուկ ծառայության ուժերով՝ ՀՀ օրենսդրությամբ սահմանված կարգով՝ բացառելով ջրային ռեսուրսներ կեղտաջրերի հեռացումը, խախտված տարածքների վերականգնում, ինչի նպատակով հորատման հրապարակների և փորձնական բացահանքի անցման տարածքներում հողի շերտը հանել, կուտակել անմիջապես փորվածքների հարևանությամբ՝ հետախուզական աշխատանքների ավարտից հետո օգտագործելով ռեկուլտիվացիոն աշխատանքներում: Ռեկուլտիվացված տարածքներում իրականացնել նաև տարածքին բնորոշ խոտային բուսականության սերմերի ցանք /կենսաբանական վերականգնում/: Միջոցառումները և ծախսերը ներկայացված են ՇՄԱԳ-ի համապատասխան բաժնում:

Բուսական աշխարհի պահպանությանն ուղղված միջոցառումներ՝ ՀՀ կառավարության 2014թ. հուլիսի 31-ի N781-Ն որոշման պահանջներին համապատասխան: Երևակման տարածքում Հայաստանի Հանրապետության բույսերի Կարմիր գրքում (այսուհետ՝ Կարմիր գիրք) գրանցված տվյալ բուսական տեսակի նոր պոպուլյացիաների հայտնաբերման դեպքում դրանց պահպանության նպատակով՝ առանձնացնում են օգտագործման նպատակով տրամադրված տարածքում պահպանվող գոտիներ, որոնք ունեն տեղական նշանակություն և անհրաժեշտ են Կարմիր գրքում գրանցված բուսատեսակների տվյալ կետում նշված նոր

պոպուլյացիաների կենսունակության ապահովման նպատակով, ժամանակավորապես սահմանափակում են առանձնացված պահպանվող գոտիներում տնտեսական գործունեության որոշ տեսակներ, եթե դրանք կարող են բերել նշված բուսատեսակների աճելավայրերի վիճակի վատթարացմանն ու պոպուլյացիաների կենսունակության խաթարմանը: Երկրաբանական քարտեզագրման, երթուղիների կատարման ժամանակ կենդանիների և թռչունների բների հայտնաբերման նպատակով դրանց տեղափոխում աշխատանքների տարածքից դուրս՝ անվտանգ վայրում: Շրջանի կենդանական աշխարհի ներկայացուցիչների վրա հնարավոր բացասական ազդեցությունների նվազեցման նպատակով սարքավորումները աշխատացնել բացառապես սարքին վիճակում՝ ապահովելով նորմատիվ փաստաթղթերով սահմանված աղմուկի նվազագույն մակարդակը: Աշխատանքներին մասնակցող մասնագետների իրազեկում տեղամասի տարածաշրջանում հայտնի ՀՀ բույսերի և ՀՀ կենդանիների կարմիր գրքում գրանցված տեսակների վերաբերյալ: Անվտանգության նկատառումներից ելնելով աշխատանքների իրականացման տարածքների մեկուսացում/ցանկապատում: Անվտանգության ապահովման նպատակով մուտքային ճանապարհների մոտ՝ հորատանցքերի հարևանությամբ տեղադրել զգուշացնող ցուցանակներ:

Թրթռումների սահմանային թույլատրելի մակարդակը Z առանցքով չափաբ է գերազանցի 115 դԲԱ, իսկ X-Y առանցքներով՝ 112 դԲԱ: Հրդեհային անվտանգության կանոնների պահպանություն, տարածքում հրշիջման միջոցների առկայություն (բահեր, ավազ, տեխնիկական ջուր, կրակմարիչ): Նախատեսվում է առաջնորդվել ՀՀ Առողջապահության նախարարի 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահանջներով: Պատահական գտածոների ընթացակարգի իրականացում ՀՀ օրենսդրությամբ սահմանված կարգով՝ աշխատանքի ժամանակավոր դադարեցումը գտածոների հայտնաբերման վայրում:

Լոռու մարզի Մեծ սարի գրանոդիորիտների հանքավայրի Հյուսիսային տեղամասում երկրաբանական ուսումնասիրության աշխատանքների ընթացքում «ՄԵԾ ՍԱՐ» ՍՊԸ-ի իրականացնելու է շրջակա միջավայրի վրա բացասական ազդեցության կանխարգելմանն և մեղմացմանն ուղղված հետևյալ մշտադիտարկումները՝ աշխատանքների ընթացքում երևակման տարածքում /հորատահրապարակներում և փորձնական բացահանքի տարածքներում/ և ճանապարհի հարակից տարածքում մթնոլորտային օդում փոշու և ծխագազերի մոնիթորինգ, յուրաքանչյուր շաբաթը մեկ անգամ՝ 24-ժամ տևողությամբ, երևակման տարածքում /հորատահրապարակներում և փորձնական բացահանքի տարածքներում/ և ճանապարհի հարակից տարածքում հողերի աղտոտվածության մշտադիտարկում, տարածքին բնորոշ վայրի բնության տեսակների քանակ, աճելավայրերի և ապրելավայրերի տարածք, պոպուլյացիայի փոփոխություն (դիտարկումը կատարվելու է երևակման և հարակից տարածքներում), ջրային ռեսուրսի /սեզոնային առկայություն/ մշտադիտարկում ջրային հոսքի առկայության դեպքում: Աղմուկի մակարդակի չափում Գուգարք գյուղի մոտ: Երևակման տարածքում կատարվելիք շրջակա միջավայրի մոնիթորինգի իրականացման համար նախատեսված գումարները գնահատվել են տարեկան 450.0 հազ. ՀՀ դրամ, ինչը ներառված է ընկերության շահագործական ծախսերի կազմում:

**Պատճառաբանական մաս.** Օրենսդրությամբ սահմանված կարգով գնահատման և փորձաքննության ընթացքում Լոռու մարզի Վանաձոր համայնքում և Գուգարք բնակավայրի ղեկավարների նստավայրում իրականացվել են հանրային լուսավորությունն ապահովող գործընթացում ստացվել են կարծիքներ՝ ներքին գործերի, առողջապահության, երթուղիների, գիտության, մշակույթի և սպորտի նախարարություններից, Լոռու մարզպետարանից, քաղաքաշինության կոմիտեից, Լոռու մարզպետարանից, Վանաձորի համայնքապետարանից՝

լրամշակված փաթեթի վերաբերյալ ստացվել է դրական դիրքորոշում, ինչպես նաև շրջակա միջավայրի նախարարության մասնագիտացված ստորաբաժանումներից: Ստացված դիտողությունները և առաջարկությունները հաշվի են առնվել հաշվետվության լրամշակման մեջ: 2-րդ հանրային լուսնից հետո ստացվել է գրություն՝ քաղաքացի Սամվել Սաքանյանի /Վա Տ. Անտինյանի կողմից՝ նախատեսվող գործունեության վերաբերյալ բացասական եզրակացություն տրամադրելու պահանջով, տեղեկացնելով՝ Ս. Սաքանյանը հանդիսանում է տվյալ տարածքի վարձակալ և դեմ է իր վարձակալած տարածքի մուտքը այլ ընկերությունների ներկայացուցիչներին տրամադրելուն՝ բացի «Ֆարտունա Սթոուն» ՍՊԸ-ի ներկայացուցիչներին: Տարածքի վարձակալության փաստը հավաստող որևէ փաստաթուղթ չի ներկայացվել, միաժամանակ՝ «Շրջակա միջավայրի վրա ազդեցության գնահատման և փորձաքննության մասին» օրենքի 7-րդ հոդվածի 1-ին մասի 3-րդ կետի համաձայն՝ գնահատման և փորձաքննության իրականացման գործընթացում, ելնելով նախատեսվող գործունեության տեսակներից և առանձնահատկություններից, դիտարկվում է հողը՝ նպատակային նշանակությունը, հողատեսքը, գործառնական նշանակությունը, կարգը, որակը, վիճակը, կազմը, աղտոտվածությունը, դեգրադացիան, բերրի շերտի օգտագործումը: «ՄԵԾ ՍԱՐ» ՍՊԸ-ի կողմից Լոռու մարզի Մեծ Սարի գրանոդիորիտների հանքավայրի «Հյուսիսային» տեղամասում օգտակար հանածոյի արդյունահանման նպատակով երկրաբանական ուսումնասիրության փաթեթի փորձաքննության ներկայացման պահին հողամասի շրջադարձային կետերի կոորդինատներով պարփակված տարածքի մակերեսը կազմել է 7.5814 հա և այն ընդգրկված է եղել Լոռու մարզի Վանաձոր համայնքի Գուգարք բնակավայրի տարածքում: Նշված հողամասը գործող կադաստրային քարտեզում արտացոլելիս ներառված է գյուղատնտեսական նպատակային նշանակության հողամասերի սահմաններում:

Ամփոփելով հաշվետվության բնապահպանական և սոցիալական ազդեցությունների վերլուծությունները՝ կարելի է եզրահանգել, որ շրջակա միջավայրի վրա հնարավոր բացասական ազդեցությունները, որոնք կառաջանան արդյունահանման աշխատանքների իրականացման արդյունքում, կկրեն ժամանակավոր և տեղայնացված բնույթ և կլինեն թույլատրելի նորմերի սահմաններում:

### **Փորձաքննական պահանջներ**

1. Երկրաբանական ուսումնասիրության աշխատանքների իրականացման ընթացքում խստագույնս հետևել հաշվետվությունում ամրագրված բնապահպանական միջոցառումների իրականացմանը, իսկ դրանց չբավարարման դեպքում նախատեսել լրացուցիչ միջոցառումներ՝ պահպանելով բնապահպանական բոլոր նորմերը:
2. Երկրաբանական ուսումնասիրության աշխատանքների ընթացքում առաջնորդվել Կառավարության 2018 թվականի փետրվարի 22-ի N 191-Ն որոշման պահանջներով՝ իրականացնելով հաշվետվությունում ամրագրված շրջակա միջավայրի բաղադրիչների՝ հողի, օդի, ջրերի, կենսաբազմազանության մշտադիտարկումներ, արդյունքները ներառել մոնիթորինգի պլաններում:
3. Աշխատանքների իրականացման ընթացքում առաջնորդվել ՀՀ կառավարության 2002 թվականի ապրիլի 20-ի N 438 որոշման 43-րդ կետի պահանջով՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից դադարեցնել աշխատանքները և դրա մասին անհապաղ հայտնել լիազորված մարմին:
4. Տարածքում հանդիպող բույսերի Կարմիր գրքում գրանցված տեսակների հանդիպելու դեպքում իրականացնել պահպանության համապատասխան միջոցառումներ:
5. Ուսումնասիրության աշխատանքների իրականացման ընթացքում առաջնորդվել հողային օրենսգրքի պահանջներով՝ չպետք է խախտի քաղաքացիների և այլ անձանց իրավունքներն ու օրենքով պահպանվող շահերը:

## ԵԶՐԱՓԱԿԻՉ ՄԱՍ

«ՄԵԾ ՍԱՐ» ՍՊԸ-ի կողմից փորձաքննության ներկայացված Լոռու մարզի Մեծ Սարի գրանողիորիտների հանքավայրի «Հյուսիսային» տեղամասում օգտակար հանածոյի արդյունահանման նպատակով երկրաբանական ուսումնասիրության շրջակա միջավայրի վրա ազդեցության գնահատման հաշվետվությանը տրվում է պետական փորձաքննական դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Հերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ՝

A handwritten signature in blue ink, consisting of stylized, flowing letters.

Վարդան Հարությունյան